



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-503-2/25**

Datum: **08.12.2025. godine**

«Agencija za vodno područje rijeke Save» Sarajevo rješavajući po zahtjevu Šiljić (Mustafa) Amela iz Dobož Istoka za donošenje rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada gospodarskog objekta – farma za tov bikova i muznih krava u naselju Lukavica Rijeka, općina Dobož Istok, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj saglasnosti**

1. Šiljić (Mustafa) Amelu iz Dobož Istoka daje se vodna saglasnost za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada gospodarskog objekta – farma za tov bikova i muznih krava izgrađenog u naselju Lukavica Rijeka na zemljištu označenom kao k.č. broj: 966/8 K.O. Lukavica Rijeka, općina Dobož Istok na osnovu projektne dokumentacije:
  - Glavni projekat ispuštanja tehnoloških otpadnih voda u okviru rada gospodarskog objekta – Farma za tov bikova i muznih krava Investitora Šiljić Amel, Lukavica Rijeka, općina Dobož Istok urađen od «ATRIUS PROJEKT» d.o.o. Živinice (broj: I-277-11/25, novembar 2025. godine) te revidovan od strane «TZI-INŽINJERING» d.o.o. Sarajevo (broj: 627/2025, novembar 2025. godine).

Ova vodna saglasnost može se koristiti isključivo u postupku pribavljanja naknadnog odobrenja za građenje u skladu sa Zakonom o uslovima i postupku legalizacije bespravno izgrađenih građevina («Službene novine Tuzlanskog kantona», broj 3/06, 1/07, 5/08, 10/11, 7/17, 11/18, 8/20, 10/21, 16/22, 17/23 i 5/25).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
  - 3.1. Radove na izgradnji sistema za prikupljanje, odvodnju i tretman tehnoloških otpadnih voda nastalih pranjem opreme za mužu i posuda za mlijeko u prostoru izmuzišta, otpadnih voda nastalih u postupku pranja i čišćenja objekta za uzgoj kao i objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
  - 3.2. Nakon izvođenja radova na sistemu prikupljanja, odvodnje i tretmana otpadnih voda, objekata za zbrinjavanje tečnog i krutog otpada (stajnjaka) sa lokacije farme, saobraćajnih i pripadajućih manipulativnih površina, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
  - 3.3. Način ugradnje mastolova i stavljanje istog u funkciju uskladiti sa uputama proizvođača opreme u svim fazama.
  - 3.4. Na odvodnom cjevovodu, neposredno iza mastolova, izvesti posebno reviziono okno koje će služiti kao okno za uzimanje uzoraka (monitoring okno).
  - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
  - 3.6. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
  - 3.7. Investitor (korisnik vodne saglasnosti) je obavezan ispoštovati uslove iz Rješenja o naknadnoj urbanističkoj saglasnosti broj: UP-I-05-19-212/25 izdatog dana 31.07.2025. godine od strane Službe za prostorno uređenje Općine Dobož Istok.

4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom roku ne bude pribavljeno odobrenje za građenje i započeti radovi u skladu sa tehničkom dokumentacijom iz tačke 1. dispozitiva ovog Rješenja
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Šiljić (Mustafa) Amel iz Lukavica Rijeke, općina Doboj Istok podnio je ovoj Agenciji dana 28.11.2025. godine zahtjev za donošenje rješenja o vodnoj saglasnosti za gospodarski objekat – farma za uzgoj 30 bikova i 10 muznih krava u naselju Lukavica Rijeka, na zemljištu označenom kao k.č. broj 966/8 K.O. Lukavica Rijeka, općina Doboj Istok, a u postupku ishodovanja odobrenja za građenje gospodarskog objekta.

U provedenom postupku dostavljena je i pregledana sljedeća dokumentacija:

- Ovjerena kopija lične karte Šiljić (Mustafa) Amel,
- Ovjerena kopija Obavijesti broj: 12/1-19-019832/25 date dana 26.06.2025. godine od strane Ministarstva prostornog uređenja i zaštite okolice Tuzlanskog kantona (nije potrebno izdavanje okolinske dozvole),
- Ovjerena kopija Rješenja o prethodnoj vodnoj saglasnosti broj: UP-1/21-1-40-287-4/25 izdatog dana 10.10.2025. godine od strane «Agencije za vodno područje rijeke Save» Sarajevo,
- Ovjerena kopija Rješenja o naknadnoj urbanističkoj saglasnosti broj: UP-I-05-19-212/25 izdatog dana 31.07.2025. godine od strane Službe za prostorno uređenje Općine Doboj Istok,
- Glavni projekat ispuštanja tehnoloških otpadnih voda u okviru rada gospodarskog objekta – Farma za tov bikova i muznih krava Investitora Šiljić Amel, Lukavica Rijeka, općina Doboj Istok urađen od «ATRIUS PROJEKT» d.o.o. Živinice (broj: I-277-11/25, novembar 2025. godine),
- Revizija glavnog projekta urađena od strane «TZI-INŽINJERING» d.o.o. Sarajevo (broj: 627/2025, novembar 2025. godine),
- Dokaz o uplaćenju upravnoj taksi na zahtjev.

Na osnovu uvida u dostavljenu dokumentaciju utvrđeno je sljedeće:

- Predmetni gospodarski objekat - štala za uzgoj bikova i muznih krava lociran je u naselju Lukavica Rijeka, općina Doboj Istok na zemljištu označenom kao k.č. broj 966/8 K.O. Lukavica Rijeka, općina Doboj Istok. Kapacitet uzgoja je 30 bikova i 10 muznih krava. Objekat je prizemni (dim 30,00 x 6,00 m).
- Snabdijevanje vodom obezbijedeno je sa gradskog vodovodnog sistema kojim upravlja JKP «ČISTO» d.o.o. Doboj Istok. Unutar objekta farme nije predviđen sanitarni čvor.
- Otpadne vode od čišćenja izmuzišta, muzne opreme i posuda za mlijeko će se zasebnim kanalizacionim sistemom prikupljati i odvoditi na tretman u mastolov sa ispuštom prečišćenih voda, preko okna za monitoring, u obližnji potok.
- Đubrivo će se, do konačne dispozicije na poljoprivredne površine, prikupljati u natkrivenoj vodonepropusnoj laguni dok će se osoka i otpadne vode nastale povremenim pranjem podova objekta farme prikupljati betonskim kanalima i odvoditi u osočnu jamu bez preljeva.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o naknadnoj urbanističkoj saglasnosti izdala Služba za prostorno uređenje Općine Doboj Istok. Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»). U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj: UP-1/21-1-40-207-4/25 izdatog dana 10.10.2025. godine od strane ovog organa, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat ispuštanja tehnoloških otpadnih voda u okviru rada gospodarskog objekta – Farma za tov bikova i muznih krava Investitora Šiljić Amel, Lukavica Rijeka, općina Doboj Istok urađen od «ATRIUS PROJEKT» d.o.o. Živinice (broj: I-277-11/25, novembar 2025. godine), data vodna saglasnost na istu.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata propisani uslovi koje je investitor dužan ispuniti u toku predmetne gradnje.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat ispuštanja tehnoloških otpadnih voda u okviru rada gospodarskog objekta – Farma za tov bikova i muznih krava Investitora Šiljić Amel, Lukavica Rijeka, općina Doboj Istok urađen od «ATRIUS projekt» d.o.o. Živinice (broj: I-277-11/25, novembar 2025. godine);
- Revizija glavnog projekta urađena od strane «TZI-INŽINJERING» d.o.o. Sarajevo (broj: 627/2025, novembar 2025. godine).

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- Šiljić (Mustafa) Amel  
Lukavica Rijeka, 74207 Doboj Istok (prilog)
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava